

আজ তুমি নেই বলে

আজ তুমি নেই বলে

সকালে পাখিদের ডাকে আমার ঘুম ভাঙেনি
ভোরের আলো তোমার খবর নিয়ে আসেনি
জানলা পাড়েই দাড়িয়ে ছিল
তাদের তাই ঘরে ঢুকতে দিই-নি

আজ তুমি নেই বলে

চোখেরা শান্ত হয়নি

কষ্ট ভোলার কারণ খুঁজে তোমায় দেখতে পায়নি
তাদের আজ এক নিচু সীমানায় আটকে রেখেছি
কারও সৌন্দর্য উপভোগ করতে দিই-নি

আজ তুমি নেই বলে

হৃদয় বেদন আঙুলে ছড়িয়ে যায়নি

তোমার জন্য ভালো কোনো কবিতা লিখতে পারেনি
তাদের কঠোর শাস্তি দিয়েছি
এখনো তারা উঠে দাড়াতে পারেনি

আজ তুমি নেই বলে

রাতের আকাশে কুয়াশা ঝরেনি

কোন নক্ষত্র উঁকি দেয়নি

তারাও জানে তুমি নেই

তাই আর আলো দেওয়ার প্রয়োজন বোধ করেনি

আজ তুমি নেই বলে

চোখেরা ঘুমে বশীভূত হয়নি

লাল রঙা চোখে কষ্ট আর সাহস ভেসে উঠেছে

ভেসে উঠেছে তোমার রূপের প্রতিফলন

আর কিছু মিথ্যা সপ্ন

সত্যিই আজ তুমি নেই বলে প্রকৃতি তার নিষ্ঠুরতা আমাকে দেখাচ্ছে

বারবারে কেদে উঠছে মন

মনে হচ্ছে আরো কিছু লেখা প্রয়োজন

কিন্তু অনুভূতির তুলনায় শব্দ যে কম

তাই লিখতে পারিনি

Written By: Md. Siam Mia

Dedicated to: Nur(Suropriya, Hridmohini)

December 16, 2023
12:22 am